

Sulisoqarnermut Akitsuut pillugu Inatsisartut inatsisaata allanngortinneqarneranik Inatsisartut inatsisaat (Sulisoqarnermut akitsuummik nalunaarutini tunniussinissamut akiliuteqarnikkullu isumannaarinissamut piffissaliunneqartunut allannguutit)

§ 1

Sulisoqarnermut akitsuut pillugu Inatsisartut inatsisaat nr. 10, 2. november 2006-imeersoq imatut allannguuteqartinneqarpoq:

1. § 4, imm. 1, imatut oqaasertalerneqarpoq:

"Suliffeqarfik akitsuummik akiliisussaaitaasoq qaammatit naaneri tamaasa kingusinnerpaamillu qaammatip tulliata qulingani akissarsiat akitsuusigassaasut katinnerannik taakkulu akitsuutaannik akileraaruseriffimmut nalunaaruteqartassaaq. Nalunaarummik tunniussinissamut piffissaliussaq sapaataappat nalliuttuuppallunniit imaluunniit arfininngornerulluni, piffissarititaasoq ulluinnaasumut tullermut sivitsorneqassaaq."

2. § 5, imm. 1, imatut oqaasertalerneqarpoq:

"Akissarsiat akitsuusigassaasut katinnerannit akitsuut qaammatip tulliata aallaqqaataani akiligassanngussaaq piffissaagallartillugu akiliinissamut kingusinnerpaamik qaammatip akiliiffissaasup 20-ani killeqarluni. Piffissaagallartillugu kingusinnerpaamik akiliiffissaq sapaataappat nalliuttuuppallunniit imaluunniit arfininngornerulluni, piffissarititaasoq ulluinnaasumut tullermut sivitsorneqassaaq."

§ 2

Inatsisartut inatsisaat 1. januar 2008 atuutilerpoq.

Namminersornerullutik Oqartussat, ulloq 26. april 2007

Hans Enoksen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut